

玄素靈太丹隱書五籍寶神三奇寶文萬過
升玄兼御靈飛藏景錄形七星移度披天三
關隱地八術丹景道精七十二變萬化立成
混合帝一五神胎生備行衆經道滿悉盈上
下相須大小齊靈登齋入室幽思念生真神
降感三元諸房越行錯縮神散悉空體獨
學若魂无形苟欲貪足不從本根輕披三寶
搖動九天三司所執結罪四明不出三年身
沒鬼官不自念已反怨道經非道負人自由
諸身至學之士參受寶文當案科品以次修
行萬无不感理无不全道无不降形无不仙
萬遍道備白日升天上經三百首上真各有
所稟亦不悉備後來積學亦不得齊於太真
之所修也世人多混穢烝烝正故學有次序
階級之科若修大帝所撰三十一卷道備然
後自得適其所好爾始學之士不得逕造所
欲以虧明科其考甚重深各慎之
小有天王曰凡修三十一卷以得次第丹清
上徹太帝自當遣太極真人更授子衆經俯
仰之格學者勤精苦念每使无虧尅得飛騰

洞真太上紫度炎光神元變經

遊宴玉京也

凡受上經當檢口慎言不得背彼向此道說
經文疑感天真宣露世間毀壞同學冒名贗
人始能勝已虛誕天靈攻伐師友謀及不道
自言有道河備妙經如此皆四司所執奏言
太帝七租父母收結鬼官長閉地獄身被風
刀之考萬不得仙學者各宜慎之
四極科中品曰經不受師竊天寶受无盟信
忽天道若於因緣得經世无經師得依科貴
信諸絕嚴之峯隱盟而受若有經師便詣師
盟度得經而不盟受輕妄修行觸忤天靈妄
說經目語於凡學之人者此考甚重四極四
司之官所執七租父母充積夜之河无極之
役身被見事之拷死充十苦八難吞大抱劍
以謝輕說經之責受者明慎科制

洞真上清神州七轉七變舞天經

洞真太上紫度炎光神元變經

紫度炎光序

紫度炎光者非紫度炎光有本文是神經自
空虛之中疑悉成華玄光炎映積七千年其
文乃見 太微天帝君以紫蘭結其篇目金
簡書其正文仍記為紫度炎光神元變經神
玄變經者從玄中變而名焉玄華既存
高上玉皇命金晨玉童西華玉女各三千人
侍文左右衛在太上六合紫房之內
南極元君主之

太微帝君記

太微帝君者生于始青之端曜靈徹玄炁未凝
之始結流芳之胃法形馬連光映靈紫雲曜
雷玄煙流靄丹暉纏絡妙覺潛啓仍採納上
契條暢純和吐納冥津遂降生靈之胎哺燕
法泉曲芝行年二七金容內發玉華外映洞
慧神聰朗觀虛玄編掌帝彌其任乎澄流九
霄之霞飛眺洞清之源明機覽於極玄須綜
運於億津積感加於冥會妙啓發於自然是
以得御紫度炎光迴神飛霄登空之法修行

內應上登玉清高上之尊道備以付中央黃老君焉

西王母授經時作頌三篇

嘯歌九玄其崖嶺巖巖淒淒端心理六覺暢目奔塵滓流霞耀金室虛堂散玄董積感致靈

降形單道亦分修忽眇萬劫豈覺周億椿

秀園蔚神階朱瓊瑤琳庭流風散空洞玉籟

乘虛明紫煙纏曲宇丹暉映綠軒飛旌鬱玄

蓋羽節耀紫清登景九霄際遊遊戲鳳城嶺

受榮境子一樂同朝生

騰轡控玄暉晏景洞野外流浪尋靈人合形

慶霄際手披朱岳戶眼若神冲恭金闕鬱差

我清景無塵穢解袪玄闔臺適我良願會脫

屐三徒難保鍊固年邁

紫度炎光中方內存招无洞觀天上法帝君

結形之始仍學招真之道遐思遠覽潛想內

驅坐觀无崖洞想幽虛年始三歲中方審正

真神披朗逆知未然究覽極天之境无幽不

鑒无上不關无下不眇遂受大帝之誦由積

感所降宣生便任乎常以平旦天光未明清

輝始發之時兩手相摩令熱拭兩目四皆三

七過叩齒二十四通以舌盪紙口內上下周

巾令芝液並生咽液九過畢以被通冠覆一

身體定卧今中方審正當使內外寂冥不聞

音響手掩兩耳閉目內存身見東方九萬里

之外山川草木禽獸胡老之類如在目前使

分明審正不定更存久久自然見也既分明

使聞耳中有鐘鼓之聲琅琅良久仍見東嶽

仙官乘碧龍碧霞手把五芝從玉女十二人

飛青羽裙齋青精玉胎盛以金梓授與我身

既見仙官覺禮而受之即服覺其味甘便拭

目咽氣九過止如此三年目見萬里之事耳

聞萬里之音无不朗然逆知方來吉凶年算

長短之兆身生異光洞見表裏招无之道其

法極妙口口相傳不形於文次還思如上法

內存見南方九萬里之外山川草木土色禽

獸越老之人如在目前使分明審正不定更

存久久自然見也既分明便聽耳中有百籟

之聲嘈嘈良久仍見南嶽仙官乘飛龍雲蓋

手把華幡從玉女十二人着青錦飛裙齋玄

網絡實盛以金梓授與我身既見仙官覺禮

而受之即服覺其味酸便拭目九過止如此

三年自然洞觀幽虛目見萬里之外耳聞萬

里之音久久為之无不朗然逆知方來吉凶

之事體生玉澤面有玉光招无之道次存還

如上法內存見西方九萬里之外山川土色

草木禽獸玄老之人如在眼前使分明審正

不定更存久久自然見也既分明便聽正耳

中有金鼓之聲鎗鎗良久仍見西嶽仙官乘

素霞飛輿從玉女十二人着玄錦飛裙齋金

液丹精盛以金梓既見仙官覺禮而受之即

服覺其味甜便拭目咽氣九過止如此三年

目視洞徹察見無窮萬里之事吉凶禍福朗

觀未然而有金光招无之道其法至妙不得

文傳口口相告次思如上法內存見北方九

萬里之外山川土色草木禽獸老之人如

在眼前使分明審正不定更存久久自然見

也既分明便聽耳中有鐘銅之聲琅琅良久

仍見北嶽仙官乘玄雲飛軒手把五芝從玉

女十二人着玄錦飛裙齋瓊液琅腹盛以金

梓授與我身既見仙官覺禮而受之即服覺其味苦便拭目咽氣九過止如此三年洞觀八方察幽究虛坐見無窮身體明坐在立空招无之道極真難宣次思如上法內存已身徹見九天之上宮臺山川林木飛禽走獸雲崖无際之端與衆真相接群仙共言審正分明不定更思久久自然分明既聽耳中聞有五音絃磬之聲如可聽聞良久因見中嶽仙官乘黃龍從十二玉女著黃飛裙手把五色華幡齋芝丹精感以金梓授與我身既見仙官仍覺禮而受之即服其味香便拭目咽炁十二過止紫度炎光招无至極妙法難可口宣行之三年洞觀幽虛徹見玄冥弄祿壽命吉之兆一身洞達面生金光存五方既畢起坐東向叩齒九過祝曰

萬化渾生玄網御空迴輪无聲運轉四方流光萬里洞觀空洞三精寶曜飛霞鬱房晨精玄注九竅開通四會八達存虛招无令我神慧明究吉凶駭駕玄輿綠鞵飛轅上升太晨進拜玉皇

帝君內存招无洞觀天上法事畢於此立驗之妙殊於衆用中方審正一心存念入室百日便有彷彿將來三年神冥洞徹无不朗然萬不遺一可謂无中希真真爲之降其道幽微非世所論人貴祿位我貴此道四海之主求易此法吾未聞矣吾道不死之根逆知未然洞鑒幽虛仰測无窮聽響萬里之趣旁通天下之奇豈復過乎有得之者刻乘綠鞵飛霞玄蓋上升帝晨唯在寶秘慎勿妄傳違負明科泄露真文身及祖師七玄父母同充鬼役身沒幽泉負考三官艱苦備受明慎之焉佩受紫度炎光修學存真招无洞觀之道常當於別室靜處不關人事靜念存思天下四方萬里之外山林草木禽獸人民玄夷羌胡僮老異類皆來朝拜已身又思我兩目有流火之光如星煥落赤曜光充萬里之外四方山澤淮濟林木皆隨光明消除極天清蕩無復塵穢目觀无極之鄉周遍洞達无所不關如此皆今分明審正叩齒九過仰祝曰

玄光內映洞鑒无窮徹視達聽九孔開張流精奔激萬里清通坐觀自然逆究吉凶得乘飛霞上登太空畢引炁咽液七過止若能修行此道百日之中便有彷彿將來三年目觀空洞坐見萬里之外耳聞萬里之音至極妙道非可文傳口口相付審受秘言


流金火鈴

流金火鈴以太上大道君遊宴之玄光上激九天之威下滅六天之凶玄光虛映道君之項流照八極三十萬里三天立正之初罷除六天之始以傳太微天帝君神文藏於瓊宮玉房之內虛光自明煥赫上清飛龍毒獸翼其側紫雲玄暉蓋其巔玉華之女金真之童各三百人典衛靈文散香虛庭積七千年化生五符光徹八方因有五方營衛之官太微天帝君以傳金闕後聖道君後聖道君以付上相青童君使授諸爲真人者佩遊上清學真之夫而無流金火鈴項生圓光皆不得上登三光若有金骨玉質玄名青官得受此文佩之而行諸天諸地四海五嶽率天衆聖仙官莫不稽首來迎神光駭動所制不輕三元



南方赤帝大洞元生大靈機皇君各八千人
絳宮玉童八十人侍文左南嶽衡山仙官二
千四百人大丹赤圭玉女八十人侍文右衛
佩符某甲身

白帝青霞流鈴登空步虛上符



西方白帝金城曜元元導太仙君六千人耀
靈元化玉童六十人侍文左西嶽華山仙官
二千四百人太素玉女六十人侍文右衛佩
符某甲身

黑帝綠霞流鈴登空步虛上符

洞真太上紫度炎光神元變經



北方黑帝玄洞元陰五耀延靈元華鬱單君
各五千人皇機太極玉童五十人侍文左北
嶽恒山仙官二千四百人太玄玉女五十人
侍文右衛佩符某甲身

黃帝蒼霞流鈴登空步虛上符



中央黃帝中耀五陽五陰中皇洞極高皇君
各千二百人皇機執中玉童十二人侍文左
中嶽嵩山仙官各二千四百人黃素玉女十
二人侍文右衛佩符某甲身
男以丹書青素佩之左女以黃書白素佩之右

流金火鈴內存振威大祝神慧

修佩流金火鈴出入遠近經履危險寇病之
中厄害之下當存真光以自衛開道萬里之
路發行之始正向其方叩左齒二七通咽悉
三十六過便思所在之處形象山林草木人
民禽獸神靈分明朗然皆來朝拜我身思北
斗七星覆我頭上仍存我左目為奔星右目
為迅雷其光煥赫奔星九萬里外見所之道
路隨光開通山林草木人民屋宅兵寇鬼炁
今消除無復孑遺四道豁然因祝曰前開後
閉天平地昂神公出遊四道開張當令天地
通我橋梁前後左右洞達八方左擲奔星右
迅雷光流火萬里何妖敢當太一將送萬神
來迎有所之向靡不吉良乘雲駕虛上升太
空畢引二目之精各還其宮左取七炁右取
七炁咽之畢如此可以冒險涉難攻鬼伐兵
无不應響遠歎其法至妙不得妄傳五帝流
鈴五符威制極天之魔召攝五方神靈上應
五晨參落七元下應人身九孔七明周天竟
地靡有不關无幽不測細無不鑒存符則先

擲符則振威子若佩之口受師言若在人間
 遇惡鬼之地當作振威大祝北向閉炁十二息
 思五方炁覆冠一身內外朗明都無所見因叩
 齒三十六通咽五方炁方落三咽炁除盡入
 兆身存我兩目童子光如流星煥落五方便
 祝曰天元七精五帝流鈴煥擲雷光如天奔
 星光曜十方照鬼真形有何小妖當我生門
 太上有命誅戮无親屠肝剗腹絕滅鬼精千
 千皆摧萬萬皆傾神威吐祝攝錄无停便咽
 无三十六過止如此一祝則五方神官皆保
 甲命卒錄所在有靈之炁束縛詣庭三祝則
 鬼王滅種若入五嶽周遊山川冒險履峻皆
 當未及其處百步叩左齒三十六通若之東
 嶽便存東方青帝希林珠官屬九千人衛我
 前後左右以青霞之炁覆冠我身若之南嶽
 便存南方赤帝丹玄子官屬八千人衛我
 前後以絳霞之炁覆冠我身若之西嶽存西
 方白帝少皓靈官屬五千人衛我前後以素
 霞之炁覆冠我身若之北嶽當存北方黑帝
 玄冥皓官屬五千人衛我前後以皂霞之炁

覆冠我身若之中嶽當存中央黃帝執中元
 官屬萬二千人衛我前後以黃炁覆冠一身
 畢祝曰乾天耀靈七晨玄精五斗華蓋繞絡
 我形五色飛霞混合文并身佩七元流金火
 鈴煥擲无方極天鬱冥五帝神官驅策天兵
 為我攝制山川土地十鬼萬靈皆來束首自
 送真形前誅後戮所捕无停畢如此一祝天
 魔滅迹萬神來朝遊行五嶽履涉山川無復
 試觀之患五嶽仙官自奉送五芝五生玉英
 來給予身若在軍寇之中懸白刃之下厄難
 之中當叩右齒十二通存七星覆身玄光洞
 映周布一體存肝為歲星出在左肺為太白
 出右心為榮感出在前腎為辰星出在後脾
 為鎮星出在胸上令五星精炁纏繞前後我
 身居斗魁之中五星之下次存五帝神官衛
 我左右祝曰天為我屋地為我牀五嶽山川
 為我橋梁玄斗元精為我衣裳藏身七元之
 内流火之鄉度我者太一務敵過我者白元
 无英災不能干兵不能傷當令我身上詣金
 闕九老之京畢如此在屈厄之中垂終之命便

得解脫五色錦各五十尺以請五帝仙官紫
 金五兩跪誓五方之信沉香五斤上聞三元
 真珠一兩以為盟丹之誓書刀子一枚以為
 斷死氣之路金珠七枚以奉七元之精絳紋
 七十尺以為炎光之炁
 凡投符經之身當齋信詣師清齋三日沐浴
 燒香書符及經置高壇之上宿明朝共
 登壇告北帝啓盟文度符經付弟子自不登
 壇告誓不得妄開篇目師輕泄經文身被風
 刀之考弟子不受而披卷殃及七玄身殘失
 明四極之科禁輕泄經文太經之律禁无盟
 誓自非金名玉格莫得聞見求仙之夫先无
 五符佩身五嶽仙官不衛兆形鬼錄不落死
 名栖身若岫則為九天魔王所敗出入人間
 則不免官橫刃兵得佩之者上天覆護縱橫
 无方適意周旋存思真人還復本宮五芝五
 生身映玉光仙官防衛三元詣房乘雲駕虛
 上升玉清受符百日當以五寸桐板五枚書
 符各著一板上又書刻各一枚記某年月朔
 某日某子某郡某鄉某嶽先生王甲年若干

110337 A D24-7

其帝子屬其嶽以符刺埋著五嶽臨埋符時
叩齒三十六通祝曰上啓三元玉皇帝尊下
告五嶽五色仙官奉受流鈴五符真言清齋
五香記名山川請定真仙來衛我形五芝流
黃黑白赤青身生水火煥落火鈴龍變諸房
上登玉庭如此即五方仙官防衛此身授子
神真之道遊行五嶽山海百靈莫不來朝

帝君夜照神燭

夜照神燭乃九天真王授於太微天帝君
登九層之臺金輝紫蘭之殿玉房之內明神
燭於五帝禮願修行按篇祝念精思九百日
中神感靈應遂致五帝降以靈符虛生五方
煥乎上清光輝內照洞映虛元覽之不測毀
之不止輝耀瓊房七百年中神文乃見五色
之獸衛符仗燈記為夜照神燭通光靈符五
色煥爛洞徹五方帝君方退齋上清以紫金
鑄文受於太空之中靈瑞告啓乃使龜母按
筆太一排筮書以金簡結以紫繩付仙都左
公掌錄瓊宮紫雲請其上虛覆散其烟玉童
侍衛三十六人傳付金闕後聖九玄帝君上

相青童君後授後學應為真人者此法寶祕
不傳下世有金骨玉髓名參青宮錄字上清
當得此文有得之者便成真人行之九年神
光自生體朗悉清乘虛駕空上造帝堂
青帝神燭頌安燈燭於東方人定入室東向

叩齒九通冥目內存東方青炁光明覆滿一
室心拜燈前長跪頌曰靄靄玄真初颺颺炁
高澄元緒无方紀羽章朗而興尋求履萬劫
太輝降神燈洗盪七玄難苦魂皆超騰空生
自然光身輕乘雲升

赤帝神燭頌安燈燭於南方叩齒九通冥目
內存南方赤炁光明覆滿一室心拜於燈前
長跪頌曰太虛生空洞无形復元響寂寂元
始內三素生雲景幽室何家蒙明燈以通想
朗觀自然光三晨同體象

白帝神燭頌安燈燭於西方叩齒九通冥目
內存西方白炁光明覆滿一室心拜燈前長
跪頌曰三靈吐奇華經絡九重霄夜光無瑕
翳寶耀越度交洞映无窮野朝徹入太幽拔
出九玄苦福隆積禍消

黑帝神燭頌安燈燭於北方叩齒九通冥目
存此方黑炁覆滿一室拜燈前跪頌曰朗哉
太陽輝神光洞三清悉散玄漠內虛煙生紫
庭控御乘飛霞飄飄凌无形拔我七玄祖南
宮更受生長與三光齊極天无危傾

黃帝神燭頌安燈燭於中央叩齒九通冥目
內視存中央黃炁覆滿一室心拜燈前跪頌
曰五帝摠玄一中元御十方攝正輔大冥幽
燭朗空同悉散无崖際同度及神宗禮頌太
真章說說步虛空希感徹玉帝長謁三元房
此帝君受九天真王神燭內頌修行積感致
夜光自朗五帝道光靈符降于帝室也子有
玉名得悟秘文當齋上金五兩以禮五方五
色之繪各五十尺以盟五帝告誓三元然後
奉焉

五帝通光靈符

東方太明太虛太洞玄元始陽之精九千萬
重玄生玉真炁典統玉臺九千生官制御九
千之炁通理三天仙王得者神仙佩者成真
人行之者光明通靈白日升天



右東方青帝自生神燭通光靈符以青繪九寸朱書佩之又書九寸符安所住東方安著神燭燈下九年神燭自明神符自生也


帝遣青光童子十二人侍衛已身南方太陽太精太洞突始之精八千萬重玄上生玉真炁典統玉臺八千生官制御九天之炁輔正三天之法得者神仙佩者成真人行之者光明通靈白日升天



右南方赤帝自生神燭通光靈符以絳繪九寸朱書佩之又書九寸符安所住南方著神


燭燈下九年修行神燭自明

帝遣赤光童子十二人侍衛已身西方太寶太華太洞玄輝之精六千萬重虛生自然玉真炁典統玉臺六千生官制御九天之炁攝正三天之真有得之者神仙佩之者成真人行之者光明通靈白日升天



右西方白帝自然神燭通光靈符以白繪九寸朱書佩之又書九寸符安於所住西方神燭燈下九年修行神燭自明帝遣白光童子十二人侍衛已身

北方太冥太玄太陰北始之精五千萬重虛生玉真炁典統玉臺五千生官制御九天之炁攝正三天之真有得之者神仙佩之者成真人行之者光明通靈白日升天



右北方黑帝自生神燭通光靈符以黑繪九寸朱書佩之又書九寸符安於所住北方神燭燈下九年修行神燭自明帝遣黑光童子十二人侍衛已身

中央太明太黃太洞太真三元始生之精千萬重虛生玉真炁典統玉臺三千生官制御九天之炁攝正三天之真有得之者神仙佩之者成真人行之者光明通靈白日升天



右中央黃帝自生神燭通光靈符以黃繪九寸朱書佩之又書九寸符安於所住中央神燭燈下九年修行神燭自明

帝遣黃光童子十二人侍衛已身

五帝自生夜燭神燈通光靈符生於虛空之內神光玄照煥落太无天帝君禮而奉焉

付金闕聖君上相青童君使受後學當為真人者若有玄名上參玉格得見此法每以人

定入室燒香禮拜神燈讀誦都畢還東向叩齒二十四通祝曰玄真高遐清暉夜翳神燭

通明玉符同慧真靈內照玄光映界五色童子耀輝徹視得乘飛輿上升帝位畢叩齒二十通咽五方炁各五過止如此五年剋得自

明之燭五色童子絡身明徹遠覽達无窮明燭每令常明不令中滅也若未能隱處遠

託山林故在人中安燈別室不得使異炁之人履掩冒穢干忤神真則靈光不現若依此

如法明燈光照一城則萬魔滅形千鬼喪目所在真官營衛一門也其法實秘不得妄宣

朝得冥傳使寶經輕泄身沒鬼官七玄之祖長无地獄萬劫幽泉已无仙真明慎之焉

鎮魂固魄飛騰七十四方靈丸

雲母四兩 雄黃四兩 硝石 玄參

槐仁 龍骨需 猪苓 青丘霜

虎杖花雞香 青木香沉香

薰陸香 詹糖戎藍 空青丹砂

石黛 白石英太陽嬰童羽衣

太陽精上素華桃花

真魂北結陰精流花 建日取之或別器中

結悉凝精素丹建日取之或別器中

神化陰精流珠日取之或別器中

合二十七種上二十四種法二十四神三種

應以三元之精悉二應九晨結魄凝魂五色

流黃化形變景无有常方故人服之神鎮氣

安當以三月建日合藥五月壬日服丸始合

以次從雲母各別搗三千杵而桃花合二十

四種合七萬二千杵畢各置一杵中未得搗

藥仍告齋三十日訖事今童男擗藥重安侍

香皆令少口慎言好性善言肉香骨芳之人

置藥二十四杵中露着中庭三宿勿令雞犬

外人見不使聞哭聲露畢以次納藥着釜中

第一納雲母次雄黃後納桃花內二十四種

都畢皆當好以次第相覆令竟釜中次北結

陰精流華一升二合次納結悉凝精素華丹

一升二合次神化陰精流珠一升二合畢以

清稷粉一斗二升沃藥上即以土釜蓋之令

上下內外四面四邊令內外密厚七分故以雲

母在下其炁充上桃花在上其色冠下故有

次第也 當先作六一泥土釜二枚用東海

左顧牡礪戎盞赤石脂黃丹滑石蛭蠅土六

分皆等合治搗細篩和以百日米醋和畢搗

令相和合成六一之泥也以泥兩土釜內外

漸漸薄泥日暴令燥燥積上內外令厚二寸

半都畢仍作竈南向安鏡孤着竈中央釜底

令去地一尺二寸糠火燒之三日三夕令火

去釜九寸九日九夕進火令近六寸又九日

九夕令火至底令三九二十七日畢寒之三

日發開視舉起飛精仰着上釜神藥成也不

起更泥如初又進火如先二十七日寒之三

日无不成也取三歲雄雞羽掃取之仰着上

釜則為飛丹紫華流精有百變之色玄光映

煥七十四方服之一銖身自生流光七十四

色左唾則三魂立見右唾則七魄化生七形

之童飛羅羽裙神與玉簪立到於前感之登
拌精凝釜底則為玉胎瓊液之膏和以白蜜
更合於臼中東向搏之令一萬杵一鉢為一
丸九畢密器封之露着中庭三日三夕畢清
朝服一九合三日服王丸即能乘空虛出

有八無今七日合服七丸即自浮景霄霞騰
身五嶽五色神官五萬人衛從身形東向服
九丸則致青霞綠輯青龍控轡青陽玉童九
十人青腰玉女九十人東嶽仙官九千來迎
兆身南向服八九丸則致絳霞雲軒赤龍控轡
絳官玉童八十八太丹赤圭玉女八十八人南

嶽仙官八千人來迎兆身西向服六丸則致
素霞玉與六龍控轡耀靈玉童六千人太素
玉女六千人西嶽仙官六千人來迎兆身北
向服五丸則致皂霞飛龍紫龍控轡太極玉童
五十人太玄玉女五十人北嶽仙官五千人
來迎兆身又向戌巳之上服三丸則致黃霞
玉與十二飛龍控轡中央黃機玉童十二人
黃素玉女十二人中嶽仙官千二百人來迎
兆身服五事畢即致五嶽仙官奉玉札鳳章

請此之身上誥九宮金闕之下受署真仙之
號可謂靈丸之妙大哉凡諸變化作七十四
種金銀寶玉赤樹絳實立生水火有妙於琅
玕八景四藥降生神丹之用不能一一具處
持略大化之微

凡欲遊戲五嶽周流八極不拘仙官之勞不
憚典局之煩未欲升天者自可不須服五方
之丸但常服七丸三丸之數固魂鎮魄飛騰
七十四方遨遊五嶽壽同三光餘可依五方
之數爾若服五方之丸便為五嶽之司便有
局任不得適意世間也

流光曜電變景保生上經

太極真人時登北漠外明野玄隴山紫微
宮見紫微夫人間居寂室固神澄暉仰餐玄
流採服二象吐納飛霞迴五光以自映運二
曜以陰軀五色翳蕩流煥瓊臺仰看紫微之
中壁西北角有刻書玉簡名流光五色童子之
章真人清齋三月請紫微奉受其篇紫微說是
流光曜電變景上經受還修行三年得成真
人紫微常所寶秘不得妄傳自无金闕玉音

紫字青華不得聞見若行之者清齋沐浴燒
香寂室靜思念真百日得給玉童玉女各五
人修行勿懈五色童子總子之房流光運子
之身上登玉清常當清朝日出暉之時入室
東向存思東方青光童子名青上玉字飛正
身作碧霞之色流光爛照東方一面如電曜
之狀乘碧霞之與玄光流映冠履一身覺身
變入青光之中內外瞻冥良久乃豁除叩齒
十二通咽炁九過止祝曰東方童子青上玉
君賜我青芝流光之泉玄霞碧輦來迎我身
上造玉庭得為真人次存南方童子名丹暉
字玄紀身作赤霞之色流光竟於南方如電
暉曜之狀乘絳霞之與玄光流映冠履一身
覺我身入赤光之中內外瞻冥良久豁除仍
叩齒十二通咽炁九過止祝曰南方童子丹
暉真君賜我降生之漿流光玉芝之芳丹霞
電曜覆蔭我房與我同升俱造帝庭次存西
方白光童子名皓華字迴神子身作素霞之
色流光爛照西方一面如電曜之狀乘素霞
之輦玄光流映冠履我身覺我變入白光之

0-222-1-1660-1

中內外晦明无所聞見良久豁除叩齒十二
通咽炁九過止祝曰西方童子皓華上君賜
我素水玉芝流珠金液之泉素霞飛蓋來降
我身與我同升俱造太真次存此方黑帝童
子名玄明上字太陰文身作皂霞之色流光
洞照煥於北方如雷曜之狀乘素霞之輦玄
光流映冠覆我身變入黑光之中內外晦明
无所聞見良久豁除叩齒十二通咽炁九過
止祝曰北方童子玄明上君賜我黑芝玄水
玉英皂霞飛輦五色神龍流光騰謁來降我
身隨雲上升得造華宮次存中央黃光童子
名執中字黃錄子身作黃霞之色如黃金之
精流光爛照中央五色流曜如電之揚乘黃
霞之輦來憇我房纏繞我身覺身變入黃光
之中內外晦明无所聞見良久豁除叩齒十
二通咽炁九過止祝曰中央童子執忠神真
賜我黃水月華迴精飛晨五色煥落流光內
鮮覆我黃華之烟騰空登虛上升帝前都畢
思五色混黃更相覆烈雲炁鬱勁正巾一室
纏繞我身覺體黃黃有熱內外洞徹良久化

洞真太上紫度炎光神元變經

見青龍在左肩上白虎在右肩上朱雀在頭
上騰蛇在足下冠我身形祝曰五色翁鬚白
黑赤青中央玄降混合鬱冥化為天獸來衛
我形賜我五芝五藏豐盈絳府結絡神華自
生壽齊日月長保黃寧千變萬化當升太靈

咽液還容保牙求仙上法

常以平旦二炁未分之始玄暉已映形神並
降上會泥丸精液咸生是故其時咽而服之
將來三年面生玉澤光變童顏雲華固根朽
齒方生必能長修五老降房神仙升玄壽齊
三光不死之道非真勿傳至其時安心定意
令五神靜寧叩齒十二通次思青腰玉女齋
東方少陽之炁青芝玉漿灌漑我身流溢紫
微宮中祝曰東方青牙飲以朝華玉漿醴泉
注液滂沱流潤六府玄注如河身強體輕上
攝太霞畢以舌舐上齒外九過咽之次思南
方赤圭玉女齋太陽之炁絳芝玉漿灌漑我
身流溢絳宮之中祝曰南方赤牙飲以醴泉
玄芝玉漿流溢如川仍咽絳府骨化生神飲
食太虛舉體皆仙乘雲駕霄上造帝前便以

舌舐下齒之外八過咽之次存西方太素玉
女齋少陰之炁素芝玉漿灌漑身中流溢華
蓋宮祝曰西方白牙飲以靈液玉水洪流玄
芝奕奕灌我六府鎮魂固魄神安胃管名言
金格畢以舌舐上齒之內六過咽之次存此
方玉女齋太陰之炁玄芝玉水灌漑我身流
溢太倉之宮祝曰北方黑牙服食玄滋飲我
飛泉哺我玉粒神府充溢如丹如芝壽傾天
地億萬同期畢以舌舐下齒內五過咽之次
思中央黃素玉女齋中和之炁黃水水華之
丹灌漑我身流溢玉堂祝曰中央黃牙白石
我我飲食玉粒之丹渴飲黃水月華五藏充
盈流潤如河壽同三辰萬無傾殂形升九玄
御龍飛霞畢以舌舐上下內外四面反舌刺
玄英取芝液十二過咽之

咽液保牙之道中央黃老君太極真人常所
修學色如童子膚如玉澤髮充然盈髮白反
黑牙齒根固无有朽落遂致玄降名言玉籍
位登清虛與帝同席子若修之當於金闕尋
名玉閣无有仙錄不得披釋

三三三 五六三

迎霄降霞御空上法 青童君受

帝君生於明霞之內五雲纏絡霄炁映容形
法帝籍受瑞玉虛凝真固液方思玄霞以自
運念遊霄以登空御玄晨於十天馳飛電以
控龍於是精思成真遂乘虛入无其訣有要
不雜衆方今以授子便可奉行

東方青霞諱飛虛 西方白霞諱素虛

南方赤霞諱丹映 北方黑霞諱玄象

中央黃霞諱愬生

能知五霞降致飛翹朝夕存思玄霄來請乘
空上升身造太清子修此道每以平旦日始
暉之時出中庭叩齒十六通東向三呼五方
霞諱畢仰祝曰五方玄霞流映玄虛參七御
九迴造我廬得乘飛晨控御紫輿上造太極
請受真書畢心拜咽炁三十六止暮向西亦
如上法夫人修學上道不知雲霞內名雲與
不為之降存思亦不致感子得此法行之十
八年室生自結之炁雲輦下降運子之身上
登玉清也此道寶秘文說玄霞之諱於世人
終不得又修其方故宜秘之輕泄罪累子身

殃及七祖可不慎之

運度天關披神洞觀秘文

帝君曰子欲飛騰上造金闕當修洞觀運度
天關朝拜父母存時內真遊戲九天上詣帝
房每以夜半露出中庭仰存北斗七星朗然

思見我身在斗中央隨斗運轉度天關至
西南方之上便再拜正立叩頭九道仰頭微

三呼天父闕地母闕今故歸身歸身反於父

母自然之尊可不運度我身我身得度永離

思路存思二尊仰享福祚畢咽炁二過咽液

九過止

此二尊天地之至諱玄真之隱名不得妄告

於人三過告人九天之司滅算損年殞命九

泉終不得仙凡修上真之道七星移度披天

三關不知此諱九天主真閉于修思之感非

玄門之子不可得而披真靈不為子降此天

地之妙法受者當齋金人玉人各一形詣師

口受訣言登盟告度不得違科身沒鬼官殃

及七玄受者慎之慎之

洞真太上紫度炎光神元變經

二經同卷

洞真太上神虎玉經

洞真太上神虎隱文

廣四

洞真太上神虎玉經

玉君曰神虎真符太真九天父母所出太真

丈人以傳東海小童九天真王以傳

太上道君太上道君常所寶秘藏於太微靈

都瓊宮玉房之裏衛以巨獸扞以毒龍神虎

七千備于玉闕金晨玉童素靈玉女各三百

人侍衛靈文玄暉空映散煙紫庭威振九遐

之域神光煥乎上清妙暢啓於自然洞慧微

於无形神虎班其匠金虎巨其真智慧標其

幹消魔其演源微旨幽邃妙趣難詳皆著天

魔隱諱或標百神內名誦其章千精駭動詠

其篇萬妖束形以三天立正之始傳付太微

天帝君使威制六天斬馘萬神攝山召海求

縛群靈威魔滅試迴轉五星於是太微天帝

君奉受消魔智慧神金二符佩遊上清乘虛

1077, 4222-0